


Agiunta 1: Saivsivas e chagliom (art. 9)

(versiun dals 01-12-2012)

1. Mesirar correctamain saivsivas e chagliom

Saivsivas e chagliom cumpiglian la surfatscha, nua che questas plantas creschan inclusiv in ur enturn ed enturn. La surfatscha, nua che questas plantas creschan, vegn mesirada da la lingia da colliaziun dal center dal tschep al center dal tschep dals bostgs a l'ur da mintga vart u – en cas da chaglias – dal center da la chaglia e l'ur da la saiv viva dal perimeter da la surfatscha, nua che questas plantas creschan. Sche la distanza tranter surfatschas, nua che questas plantas creschan, importa main che 10 m, valan questas surfatschas sco ina surfatscha.

La zona da plimatsch en il senn da l'artitgel 14 alinea 2 litera d da l'ordinaziun federala davart la protecziun da la natira e da la patria¹⁾ vegn mesirada dal perimeter da l'ur da la saiv viva. Per regla ha ella ina ladezza da 5 m.



¹⁾ CS [451.1](#)

2. Cumpensaziun reala

Sche saivs vivas e chagliom ston vegnir cumpensads, stoi vegnir dà adatg ch'ina surfatscha gronda avunda stettia a disposiziun per l'ur da la saiv viva che ha ina ladezza da 2 m.

Emplantaziuns da cumpensaziun per saivs vivas ston vegnir fatgas cun chaglias indigenas e dal lieu sco er cun singuls bostgs locals. I ston vegnir duvradas differentas spezias da chaglias e da bostgs. La part da chaglias cun spinas sto importar almain 20 pertschient dal chagliom.